

職方典第一千四百七十二卷

臨安府部彙考二

臨安府山川考二

水利附

通志

本府

建水州附郭

瀘江堤去府治一里瀘田甚廣明隆慶間因三河之口增壩抄泥日壅歲決爲患萬曆四年兵備副使許宗鑑修溶置田徵租以備疏築之費民感之曰許公堤二十七年兵備副使漆文昌知府張守剛相繼築堤改河然河壩未撤未幾復決至今爲患 大壩去府城六里民自築

馬蝗溝在府西北五里

馮家山塘在小寨後坡頂寬二里許闊半里許旱澇賴以蓄洩

青雲橋河接建水州志此爲瀆水由馬家沖出青雲橋至中所營與南莊河合流兩岸田畝久經衝沒急資修築 馮家山塘在城東小寨後坡頂寬一里許闊半里許田畝賴以蓄洩

大水塘在城東一里四時不涸魚味甚嘉

清泐塘在城東十五里此爲有本之泉旁多樹

木居民享其利者時禱祀之

蒲草塘在城南十五里水源弘沛聚若小湖灌田甚廣

王家塘在城南六里引水灌田

滾沙塘在城南十里溉獬獬村一帶

楊公泉在城北

四十里康熙三十年知州楊緒爵開鑿濟田四千畝居民祠祀之

大清水塘在城東五十

里廣二三里半壁枕山蒼翠欲滴岸邊田畝居民桔槔以濟

渾水塘一在城南三十里一

在城西北三十里

冷水溝在城北四十里清流不竭灌溉甚多

石屏州

酸水塘在州西闊三里許

老湖在州南三十里廣闊五里許築堤蓄水備旱

西堤州

西一里卽楊柳壩

皇清康熙八年知州劉維世鑿堰長八十餘丈因時啟閉灌田數千畝按州志作三閘聚彌勒溝一

帶水仲秋閉閘孟春啟之分水十一分遠近均沾

化龍橋堤在吳龍湖邊康熙七年知州

劉維世增築瑩石湖水不能犯

九天觀閘去州西三里明萬曆間知州曾所能移築舊堤

瀦水灌漑中爲石閘以時啟閉民利之

螭蝗塘按石屏州志在城西三里廣闊二里許秋

冬蓄水春夏開洩灌漑屯田

草湖在白浪小寨去城二十五里寬五里許旱則赤地一圍

澇則不能栽插利少害多

新湖在城南二十五里闊四里許俱築堤蓄水備旱

阿迷州

東堰在州東自南洞經東山莊至義來村郡人王廷表率衆爲石壩

西堰在州西出樂蒙

河州民趙儒築堰通之經桃川莊至甸尾

石堰在州南有小河明巡撫鄒應龍爲石堰民

賴之

西山龍潭在治西匯爲沼灌溉至樂雲莊餘派入城

大庄水頭各壩田俱引此

水灌溉旱則水稍涸不能入田

部沼龍潭土人傳九十九處龍潭頗寬廣水悉充滿無旱

憂

高家莊溝在治西九十里發源沙扎哨約長三里係土舍李思敬開造

河西縣

東湖池有二一在通海縣東三里白馬山谷內長四里許寬二十餘丈遇雨時蓄水灌田一在

河西縣南二十里延四百步袤三百步蓄水濟塘下一帶田畝明成化間知縣朱光正立二石

柱於塘左右刻四至按縣志東湖池在新村後積東華山之水闊數十丈四時不涸灌溉田畝

三營軍民水利較多其塘見存

西湖池有二一在通海縣西一里蓄溫泉水灌田一在河

西縣北二里戴家屯上延百步明弘治十年知縣蕭濟始築堤蓄水以濟塘下田畝按縣志作南湖池今蘊爲麥地 秀山溝在縣西北田賴灌溉每遇山水泛漲多被衝沒宜時加修築

窰溝在縣東北接明通志源自小關山會臨瀘水 碌碌塘在縣北勝郎村上延八百步袤

五十步蓄水以濟交羅布等村田畝 山後川在縣西李家莊延二百步袤一百步 東

渠鄉龍潭在縣西出自九街子山麓灌溉甸心沙羅車城等村田 西堤在縣西明萬曆三

十二年知縣周邦舉築石閘 東湖池堤按河西志在治南二十里延四百步袤三百步明

成化間朱光正築按治南無堤疑爲治北戴交營堤今長河水淤或失其舊耳 西湖池堤

在治東北二里延四百步明弘治十年知縣蕭濟築卽今碌溪渡堤

嶧義縣

大白邑溝舊自嶧峨縣阿習邨引碌碌河水灌大白邑田今爲嶧義縣阻 大溝自木加沙

引碌碌河水灌永城倉文沙沖小白邑田康熙三十九年縣令蔡醇開 張公堤按嶧義縣

志在縣西二里大石壩壅水灌田圍江水爲患居民苦之知縣張鳩工築堤士民感頌有碑記

松子園石渠萬曆二十年修建綿亘十里灌溉利焉

倪家冲堰在縣南一里香柏村之左

大石壩在嶧義縣西北

新龍堰

角池堰

大羅河堰

砥柱堰

普龍堰俱

在嶧峨明萬曆二十年知縣李先芳脩

鸚鵡塘有二俱在縣鸚鵡山下其一可資灌溉

董家堰在縣東北二里聚水灌田

魚池在縣北四里

蒙自縣

草湖堰按蒙自縣志在南關外決南湖水蓄之爲堰注於泮池春夏滋以溉田秋冬則以閘閉之但恆雨易盈恆陽易涸

法果泉在縣南十五里水經於新安所軍田中軍人得壅激之

利已病鄰嘉靖年郡幕周松及百夫長王昌濬之爲渠導水由山巔行二里始復故道決其淤

塞分流東注於縣合流於灑雞生三畝泉軍民利之今廢

白謙渠在縣東二十里萬曆時

邑人王邈鑿山窮源導水爲渠廣一丈深八尺長四十餘丈而合流於租革老龍潭之水高堤

壩以時蓄洩凡役萬人費千金歷半載而後成蒙民以爲惠政今廢

新平縣

阿謝堤按新平縣志在縣南三里大石壩壅水灌田東南永賴

青龍坎在縣西五里築大

壩灌溉納起一帶

土官村堰

阿謝山堰

太平邨塘

渺刺塘俱在舊新化州

屹嶧鄉

龍王廟堤在縣歸召鄉明隆慶六年知州麥天惠築

邦那圩

登龍渠俱

在縣祿庫鄉可備旱澇

臨安府城池考

通志

本府

建水州附郭

臨安府城池舊爲土城明洪武二十年宣寧侯金朝興檄指揮萬中拓地易以磚石周六里三分高二丈七尺設四門東曰迎暉南曰阜安西曰清遠北曰永貞東南爲鐘樓成化十六年兵憲何純重脩丁亥流寇攻燬

皇清康熙四年知府曹得爵知州李瀕守備李承芳修葺東北角遠西北及西南角有池正東及東南無池按建水州志建水附郭舊係土城明洪武二十年宣寧侯金朝興檄指揮萬中拓地董役相地所宜砌以磚石周圍六里高二丈七尺爲門四各爲樓三層高八尺東南角爲鐘樓看

城小鋪四十八座正南外屏牆一座本衛軍器貯於各樓鎖鑰掌於本府各門內牌坊一座扁以門名成化十六年兵備副使何純重鑿壕塹深一丈闊一丈二十一年分巡僉使劉福每門置二丈鐵銃爲亭覆之弘治元年兵備副使謝秉忠於城上每三十步爲一臺聚礮石六年兵備李孟睜於城墻下種樹十二年兵備副使王一言修葺城上壕旁各增闌牆東西二門外置應捕官軍房各六間正德七年兵備副使王昊於南北二門補設應捕官軍房各六間東門又添設夜不收軍房六間嘉靖二年兵備副使王納誨每門置嚴謹門禁盤詰奸細二牌五年兵備副使戴書構金鼓房十二間於東西門內四樓俱有更鼓銅漏則在東樓但壕中無水十八年兵備副使鮑象賢欲引異龍湖水環注陞任未果東門外官廳二所處衛經歷知事四城內守門軍房各十間至丁亥年五月二十二日流寇李定國陷城先毀北城樓并永貞阜安清遠三坊及銃亭應捕官軍房一時俱燬

皇清順治十六年冬大兵入滇賀九儀復焚燬西南二角鐘樓而去今應捕官軍房俱缺官廳亦廢康熙四年知府曹得爵重建北樓鐘鼓樓并炮臺守備李承芳重建西樓七年知州李瀕重建

城樓西鑿城門奉府准三庠公議改南向

外州縣

石屏州城池明成化十六年知州蔣彝因民居爲四門嘉靖三十年築土城周二里三分萬曆二十四年知州蕭廷對因舊城重修改東南兩門向天啟丙寅年署州顧慶恩改創州人陳鑑易以磚石後圯

皇清康熙六年知州劉維世重脩無池按石屏州志州舊無城池成化十六年知州蔣彝因民居爲四門曰東迎恩西通貢南拱辰北鍾秀嘉靖三十年元江兵變築土城周圍六百七十四丈就地建東西兩城樓萬曆丙申知州蕭廷對石砌鑿臺建東南北三樓更四城門名東海日南雲臺西寶秀北龍朋天啟乙丑年土垣崩裂麗譙傾圯六年春署州事澂江府通判顧慶恩改創甌城本州鄉紳左江道副使陳鑑爲久遠計捐銀二千首倡其事乃克興工城去故址數十武隨地形相民居拓出七十餘丈七年秋竣事周圍七百四十八丈有奇高二丈有奇厚二丈城外鑿池引異龍湖水七年冬修四城樓

皇清順治年間兵燹之後城樓頽壞康熙六年冬知州劉維世捐俸六千金重建四樓北門新平基址更砌甃臺高二丈許建樓於上規模宏敞百餘日告成城牆崩塌處用石培補可資防禦阿迷州城池舊爲土城明正統間知州張安築高丈餘成化十六年東西二門圯知州黃時中改立嘉靖四年分巡僉事傅尙文拓築萬曆四十五年巡按御史吳應琦易以甃周三里丁亥年流寇拆毀

皇清康熙九年知州王民皞吏目傅國瑗重修無池

按阿迷州志舊無城池正統年知州張安

周圍築培高丈餘爲四門朝宗迎旭望廣拱極成化十六年夷人相讎東西二門圯壞知州黃時中改立脩教場於西門外嘉靖四年分巡僉事傅尙文拓築之兵備副使戴書督完二十一年都指揮石邦憲沿城立敵樓八座二十二年署印知州張哲脩東西二門署印州同知曹松改脩南北東三門王廷表云雲南國朝之邊地阿迷雲南之邊地自此五百餘里爲交州界宜築石城傳僉事所築者令民爲之高下不一雨淋則傾城外卽田水浸則仆上官未嘗往視有司間視之惟拘築者民怨中止且四門不正日就傾圯表嘗與分巡僉事邵煉言令官支庫物

修治近撫按檄令修治皆不應應今圯壞又甚矣或補築或改築惟有責者裁之

寧州城池明嘉靖十年巡按御史毛鳳詔題建十二年知州李道全築周圍五百六十丈

皇清康熙十一年知州嚴敬重修無池按寧州志所載甚略按明通志城凡三門西會通東順化南寧遠北負以樓扁曰環翠

通海縣城池明洪武十五年指揮陳鏞創土城二十四年指揮儲傑易以甃石周二里高一丈七尺有池按通海縣志縣舊無城明洪武十五年以通海爲東南要領置守禦千戶所二分屯設守指揮陳鏞創立土城二十四年指揮儲傑砌以甃石周圍二里高一丈七尺開四門東泰和西慶豐南迎薰北鎮海池闊一丈八尺深一丈此禦城也萬曆三十九年知縣楊翹瀛以土寇攻劫民不寧居緊連禦城建縣城於秀山之麓築土高厚與禦城等周圍約二里又于大橋建一土城防護客店往來商賈甚便丁亥年土逆沙定洲叛寧州土官祿永命竊據通海毀其縣城並大橋土城亦毀之以故官署灰燼民居傾蕩今官署暫寄禦城而禦城樓櫓盡廢山川之秀脉不聚官多留滯吏多舞法閭閻不卽登熙皞之風意風水之說有不可誣者

河西縣城池舊無城明成化間知縣朱光正因民居立南北二樓後廢至崇禎二年署縣周莫儀建石城周二里三分無池按河西縣志城舊在螺髻山下古休臘地明成化間遷普應山下上義坊今城地稍因民居立南北二樓象城野居萬曆四十年知縣趙築土垣壅之崇禎六年巡撫蔡侃巡按姜思睿檄署縣臨安府推官周莫儀易以石城周二里三分高丈餘厚數尺雉數百門鋪全無池

嶧縣城池明正德六年知縣胡淮築土城周一里三分高一丈二尺後漸圯嘉靖三十年知縣邵元善創四樓崇禎甲戌易磚城按嶧縣志城關四門皆有樓城高一丈三尺周圍三百三十七丈計一里八分厚四尺近河卑濕處更立排柵以障之年久傾壞是非長策嘉靖三十二年知縣邵元善新創城樓東曰朝天西曰鎮彝南曰來薰北曰拱辰雖云可觀尚未盡美崇禎庚午年改建磚城制度稍壯可禦外侮歷年增脩規模略備

蒙自縣城池明成化二十年縣丞陳溥築後漸圯萬曆四十二年邑人尹紹臯尹紹夔捐金建甌城周四里三分高一丈七尺無池按蒙自縣志舊無城成化二年縣丞陳溥始築土墻周圍

七百丈關四門置樓櫓東曰拱曦西曰朝嶽南曰靈清北曰通貢萬曆元年撫軍鄒公以征蠻之役駐師於縣更其門之額取象於蒙東曰果育南曰時亨西曰利禦北曰養正其後知縣歐陽暉李時用再脩之然土性不堅隨脩隨圯邑紳尹廷俊乃帥其子若孫捐築石城計費萬八十餘金因以其子孫之名名其城東曰魁壁西曰皐壘北曰禹稷而名其南曰見湖則廷俊之號也周四里三分高一丈七尺丁亥年爲流賊所平後雖少爲修補然功大而難復歷今迥非舊制矣縣舊無池明崇禎四年邑人以寇患溶壕土無泉脉或言不利於民遂止

新安守禦所城池先築於花丈里名花丈城後遷補瓦寨距邑治十里正德十二年脩築周圍二百一十丈有二門南門禦遠北門永安康熙二十五年所裁今城仍舊

新平縣城池明萬曆十九年知縣李先芬築土垣周四百丈高一丈九尺有池按新平縣志城關四門皆有樓城高一丈八尺周圍三百三十八丈計一里九分零厚五尺計堵口六百五十七始自萬曆二十年知縣李先芬築土城高一丈五尺厚三尺五寸架椽覆瓦城外挖壕周圍三百五十丈開四門東寅陽西阜成南鎮元北拱極至崇禎七年知縣葉元惠詳請改建甃城

遷於舊治之東離五里許後十年知縣郭秉忠脩飭標題四門東望五華南薰解慍西連雁塔
北門鎖鑰制度稍壯可禦外侮閭年增脩規模少備

臨安府關梁考

通志

本府 建水州附郭

箐口關在府西曲江北設有巡檢

曲江橋在城東北百里長三十丈係木橋明大順間建

萬曆三十二年僧如淨與張國相募緣董工鄉紳都御史王恩民倡首創石橋巡按御史沈正
隆兵備僉事龔雲致各捐資重脩 香木橋在城東八十里 三公橋在城東一百二十

里今改名飛虹

瀘江橋在城南一里明宣德間建跨瀘江正德中義民王鎬等重脩復圯

萬曆初民沈崇儒瑩以石覆以屋

天生橋在城南婆羅莊峭有石跨流自然成橋

白

鶴橋在城南五里明景泰間建按明通志名百花橋

會安橋在城西北黑衝山下明弘治

間徐宣瑩石

板橋在城西北十里明弘治間錢銳建

十架橋在城西四里明景泰間

建

通貢橋在城東北三十里明弘治間建後高辛重修

迎恩橋在城東一里初以木

爲之明正統間鑿以石

青雲橋在城東十五里同知鄉紳張儒象建

飛虹橋在城東

十五里跨中溝明正統間建按建水州志康熙三十七年堤決衝沒壽官陳光緒同郡紳士捐建石橋上覆以閣非僅利涉亦以固河堤也 賽公橋在城東二十里居人余先覺建

清流橋在城北二里明天順間建

浣衣橋在城南五里跨小河明正統間建成化間居人

葉丹重修

永安橋在城西十里跨白龍渠明成化間建

登瀛橋在城西明成化間建

玉虹橋在城東十里長四丈廣半之明宣德間建

三河橋在玉虹橋南三河分流二橋相

望明正統間建

登龍橋在東城迎暉門外跨壕上砌以石東歷水患稍息萬曆二十九年

郡人共建

鎖龍橋在城東門近城內外水皆由此出一名匯源橋

張家木橋在曲江

沙壩爲塘站通道江水深闊人苦蹇涉張國相之祖源造木橋以濟但夏秋每苦漂沒源置腴

田一區永作橋費數百年來行人利之

石屏州

寶秀關在州西地接元江設有巡檢

脩衝橋在州東四十里交建水州界往臨安要路

顧公橋在州東門外明署州通判顧慶恩建 化龍橋明鄉紳參議楊廷相父子建 通

貢橋楊瓊建 福森橋楊名學建 許家橋明鄉紳許子言建 通遠橋在矣落橋東

五里明弘治間建 矣落橋在城西八十里跨矣落河明天順間建

阿迷州

東山關在蒙樂村明宣德間設有巡檢久裁 通濟橋在州城東明弘治間建 小橋在

城西門內明成化間建 新橋在城東北離城五里石梁三空以濟東河廣二丈長十餘丈

永安橋在城東二里明天順間建 永興橋在城東明弘治間建 東橋原係木橋今廢

通安橋明弘治間王晟建 古城橋在州南 香木橋在治南一里石梁一大空以防羣

山潦水相傳有水怪藏山巖中遇雷雨水漲間出爲患輒傾壞橋梁空處乃爲龍頭二尺許下

銜巨鈴風搖聲錚錚然以鎮之兵亂時鈴爲竊去 南橋在治南離城五里卽水泉橋下石

上木三空廣一丈長八尺餘以濟渾河明知州方逢盛建 西橋在城西 義橋在治西

離城八十里木梁廣一丈八尺僧人募緣修建 泰安橋在城西三十里按明一統志在阿

迷州西三十里

寧州

甸苴關在州西北設有巡檢

盧公橋在州城西三里跨元江通甸苴關明正德十六年建

崇禎十四年鄉耆王傑重修

霽虹橋在城西三里明嘉靖八年建今圯

恩永橋在城

南三里跨恩永河先年構木橋明嘉靖甲寅御史張鳳翀改建石橋

觀音橋在城東七里

廣嗣橋在城西北張中建

黃澄橋在城西北三十里路當通衢澗狹水險明隆慶七年州

民黃澄建萬曆間其子重修

浣江橋在州治北四里

惠濟橋在治東三里

賽公

橋在治北五十里

通惠橋在治北七十里

小江橋在治東八十里

廣濟橋在治

東七里

通海縣

建通關按明一統志在縣東南一十里

寧海關按明一統志在縣東北一十里

沈家

橋在縣東六里此溝受新村一帶渾水

高家橋在西郭外

永濟橋在縣東二里